

INUIT ATAQATIGIIT

INATSISARTUNI



Nuuk, 7. maj 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Maliina Abelsen, Inuit Ataqatigiit)

Apeqqutit:

1. Pisuussutiniq uumaatsunik iluaquteqarniarnermi Kalaallit Nunaat aningaasarsior-nikkut annertunerpaamik pissarsialernissaa qulakkeerniarumallugu aammalu paa-sisanik ilisimasaniillu ingerlaavartumik siunnersorneqalersinnaaneq eqqarsaatigalugu immikkut ilisimasalinnik nunanit tamalaaneersunik inuttalersugaasumik siunnersor-teqarsinnaaneq Naalakkersuisunit ingerlateqqinniarneqarpa?
2. Immikkut ilisimasalinnik nunanit tamalaaneersunik siunnersorteqarsinnaaneq kissaa-tigineqanngippat, **qanoq iliornikkut** Naalakkersuisunit nunat tamalaat akornanni immikkut ilisimasarilersimakkat atornialersaarneqarpas aalajangigassat pitsaaner-paamik tunngavissaqaqqullugit? Ajornanngippat nassuiaatitalersoruk.
3. Aatsitassarsiornerup iluani nutaamik akitsuusersuisalernissap ilusilersorniarneqar-nerani Naalakkersuisut, Inatsisartut – inatsisiliortutut tunuliaqutarisatik ammasumik periuseqarlutik oqaloqatigalugillu peqataatinniarpaat – pingaartumik Aatsitassat pillugit Ataatsimiititaliaq aammalu Aningaasaqarnermut Akileraartarnermullu Ataatsi-miititaliaq? Tamanna qanoq aamma pissava?
4. Naalakkersuisut akissuteqaammi allapput: “royalty-mik atuutsitsisoqalissasoq, tas-salu aalajangiinnissaq taanna pereerpoq.” Naalakkersuisunut apeqqutiginiarpara Inatsisartut saneqqutiinnarlugit royalty-mik atuutsitsisoqalersinnaanersoq? Taamaas-sinnaappat taamatorpiaq aalajangersaaneq qanoq iluseqarpa aammalu qanga tamanna piva?
5. Aatsitassarsior-titsinikkut suliffissuaqarfiit akileraarusersorneqartarneri eqqarsaatiga-lugit tamanna aatsaat partiit tamarmiusut isumaqataffigisinnaasaannik pisarsin-naappat tamanna Naalakkersuisunit orniginartinneqarpa? Taamaattoqarsinnaappat taava Naalakkersuisut taamaaliornissaq anguniarumallugu qanorpiaq iliuseqaler-saarpat?

Tunngavilersuut:

Apeqqutit matumani saqqummiuneqartut ilaat apeqqutigineqareerput, ajoraluartumilli akissu-teqarfigineqaratik. Tamanna puigorneriinnassasoq ilimagivara, tassami ilisimavara Naalak-kersuisut ammasuunissaq peqataatitsinissarlugu pingaartitarigaat. Apeqqutit sinneri saq-qummiunneqarput Naalakkersuisut qanoq iliornikkut inatsisiliortunik, tassalu Inatsisartunik peqataatitsiniarnerisut paasisaqarfigerusukkakku, minnerunngitsumillu aamma aatsitassar-siortitsineri akileraarusersuisalernissaq ataatsimoortumillu aningaasaqarnerput eqqarsaa-tigalugit ammasumik periuseqarnissaq qanorlu suleqatigiittoqarsinnaassanersoq eqqarsaa-tigalugu Aatsitassat pillugit Ataatsimiititaliaq akuutinneqassanersoq paasisaqarfigerusuk-kakku.